

8. FAUDRAIT JUGEZ AVANT CONDAMNE

Ti ennan un homme bien riche avec grand quantite la terre qui ti ennan un seul zenfant - un p'tit garcon neuf mois. Son madame ti trop content son zenfant et tout les jours y ti dire avec son mari - Qui nous pou faire nous zenfant apprendre dans l'avenir? Son mari y dire nous pour faire li alle l'ecole College et pendant son l'ecole mon pou rode un plus bon teacher pou donne li lecon. Ci y apprendre bien jusqu'a Form VI nous va envoye li l'Angleterre et y a choisir un plus bon metier.

Zotte l'acage ti un peu dans bois et tous les samedi zotte ti ennan l'habitude alle shopping et zotte quitte sa p'tit zenfant dans un berceau avec un lichien qui sa homme ti content et tous les soir y ti dormit lo un lilit pres avec li. Sa homme tous les jours y faire sa lichien embrace li et donne la main comme nous dire "shake hand" et donne li manger - comme la viande et son du lait par lo la. Sa lichien ti gros comme un p'tit boeuf et toujours y passe au bord sa p'tit zenfant et son maitre tine voire qui sa lichien y content son zenfnat.

Un jour samedi dans la fin du mois, M'sieur et Madame ti alle shopping. Derriere zotte un gros loulou ti rentrer dans la cage et avant y touille sa p'tit garcon sa gros lichien ti la guerre avec li jusqu'a lere sa loulou ti aller tout en sang. Du sang tine fanner partout a terre dans la cage et sa lichien tine prend sa p'tit zenfant et cachiette li en bas un gros roche pres avec la cage.

Quand Papa ecque Maman ti arriver zotte voir sa quantite du sang par terre zotte rentrer tout suite dans la cage pour regard zotte zenfant. Comme un grand malheur zotte pas voir sa p'tit zenfant. Avec sa grand la colere qui sa homme tine prend. Y prend son fuzzi et alle dehors. Y voir son lichien qui tine combattre et sauve son zenfant dans un lenmort tout en sang et bien fatigue. Et dire dans li meme. Alors ou meme quine touille mon garcon. Y prend son fuzzi et touille son bon lichien et avant sa lichien y mort, y guette li et y pleurait et son maitre y dire ou pas va faire encore.

Apres sa y tendre un la voix un zenfant par deriere la cage. Y sorti en toute vitesse et avant y arrive cote sa tapage y voir un gros loulou mort a terre et plus

devant y arrive cote ca tapage y voir un gros loulou mort a terre et devant li y voir son zenfant dormir en bas un gros roche en pleurent. Alors y commence pleurer y aussi et y dire. Mon lichien ine sauve la vie mon zenfant et moi monne touille li accause son bien fait. Y ti ordonne un homme faire enterre son lichien et faire son la tombe. Y ti place un placard em marble lo sa la tombe qui ti aubord son la cage et y ti ecrire. Tem em temp mon voir mon zenfant moi mazine ou apres un grand faute quine momm faire.

Alors faudrait jugez avant prend l'action.